

Uji ilmu kebal: Seorang mati tiga dirawat di hospital

- 9 AUG 1985

JOHOR BAHRU, Khamis — Seorang pemuda meninggal dunia hari ini dan tiga yang lain dirawat di hospital setelah dipercayai meminum racun rumput rampai Sabtu lalu untuk menguji ilmu kebal yang mereka pelajari.

Abdul Ghani Abdul Aziz, 20, pekerja kilang di Pasir Gudang dekat sini meninggal dunia jam 12.30 tengah hari setelah tiga hari dirawat di Hospital Sulthan Aminah di sini.

Tiga yang lain, adik si mati, Wahab, 18, dan rakan sekerjanya Johar Atan, 20, dirawat di hospital di sini sementara seorang lagi rakannya yang belum dikenali dirawat di Hospital Daerah Kota Tinggi. Keadaan mereka dilaporkan beransur pulih.

Johar yang ditemui di hospital berkata, dia antara 20 pemuda lain yang menuntut ilmu mempertahankan diri, termasuk ilmu kebal,

B. Harlan (M) dengan seorang guru yang berusia dalam lingkungan 30 tahun.

Katanya, setelah menuntut kira-kira setahun, guru itu menyatakan mereka kini di peringkat akhir dan menyuruh muridnya yang yakin supaya tampil untuk diuji.

Johar berkata dia dan tiga lagi rakannya tampil untuk menjalani ujian akhir seperti yang dikehendaki oleh guru itu Sabtu lalu.

Menurutnya, mereka disuruh memilih sama ada meminum racun atau memakan kaca. "Kami memilih racun kerana terlalu yakin ilmu yang dituntut itu sudah berjaya."

Wahab pula berkata, dia berasa loya sebaik sahaja meminum tiga teguk racun itu. Abangnya Ghani pula menjadi lemah dan dihantar ke Hospital Sulthan Aminah setelah keadaannya bertambah tenat dan kemudian meninggal dunia.

Uji ilmu kebal: 1 maut, 3 dirawat

Racun Rum
JOHOR BAHRU, Jumaat — Seorang pemuda meninggal dunia semalam dan tiga yang lain dirawat di Hospital setelah dipercayai meminum racun rumput rampai Sabtu lalu untuk menguji ilmu kebal yang mereka pelajari.

Encik Abdul Ghani Abdul Aziz, 20 tahun, seorang pekerja kilang di Pasir Gudang dekat sini meninggal dunia pada 12.30 tengah hari setelah tiga hari di rawat di Hospital Sultan Aminah di sini.

Tiga yang lain, adik si mati, Encik Wahab, 18 tahun dan rakan sekerjanya, Encik Johar Atan, 20 tahun, di rawat di hospital di sini sementara seorang lagi rakannya yang belum dikenali di rawat di Hospital Daerah Kota Tinggi. Keadaan mereka dilaporkan beransur pulih.

10 AUG 1985
Encik Johar yang ditemui di hospital berkata, beliau antara 20 orang pemuda lain yang menuntut ilmu mempertahankan diri, termasuk ilmu kebal, dengan seorang guru yang berusia dalam lingkungan 30 tahun.

Katanya setelah menuntut kira-kira setahun, guru itu menyatakan mereka kini di peringkat akhir dan menyuruh muridnya yang yakin supaya tampil untuk diuji.

Johar berkata beliau dan tiga lagi rakannya tampil untuk menjalani ujian akhir seperti yang dikehendaki oleh guru itu.

Menurutnya, mereka disuruh memilih sama ada meminum racun atau memakan kaca. "Kami memilih racun kerana terlalu yakin ilmu yang dituntut itu sudah berjaya," kata Encik Johar.— BHM.